



正訛歸要

風陵文庫

文庫19

F239





光緒七年重鐫

正訛歸要

板存京都

洗心

齋如有印送者自備紙墨本齋代為刷印

正訛歸要

蓋自尼山闡教泗水傳經三綱五常之道
朗若列星二帝三王之傳昭於今古以故
春秋之世服其化者無非純士名儒親其
教者要皆端人君子大哉孔聖之道洋溢
乎中國也於斯而外求其與聖道並行而
不悖者厥維釋道入道以清靜為宗以勸
懲為要釋以任心降心為宗以無相為體

以無住為用又...異而盡孝戒貪存誠
去偽實與吾儒崇德修慝之義同一揆也
故教雖曰三其理則一耳今之學釋者皆
云佛者覺也能覺妄歸真得以明心見性
而不謂明心見性即百行皆善也且但云
脫生死輪迴入出世不生之境執着有色
形之相而成塊然不靈之頑空噫如此學
釋不但不能宣揚佛教且恐敗壞佛門舉

佛法而斷滅之也何則愚痴之人不悟真
空解脫之理執此出世脫輪迴之法拋父
母別妻子削髮出家日執日着必入魔境
甚至坐脫中身介見學佛者而反致坐脫
後必不敢學佛此是愚痴者斷滅佛法也
執迷名利之人謂佛教所得功德不過解
脫輪迴之福而於人世榮名利祿無所裨
益遂起毀謗之見此是執迷者斷滅佛法

也萊子曰天地之道生生不息以兩儀生
四象定晝夜之明珠以陰陽五行運四時
定生長收藏之生息復以陰陽生男女定
五倫使人於日用倫常中而各盡其道復
以五行生五穀以養民命生萬物以全民
用人得道之全物得道之偏人為萬物之
靈合天地為三才而各得其道故人能維
持世道而世界中最不可少者若謂佛法

為滅度衆生出世不生之教盡皆出家必
使世界無人此即不解如來所說義而為
謗佛者是矣夫人為物靈若世界無人則
凡養民之五穀民用之萬物皆無所用又
何用日月之旋轉四時之運行陰陽之生
化是生機盡息天地混茫大道亦由是而
泯矣則佛教之明心見性之法亦無所用
矣則出家出世不生之說又將起有識者

之非議而斷滅佛法也世之愚痴者怕學
佛入魔而斷滅執迷名利者以學佛無補
而斷滅即明哲之士亦謂佛教非生生不
息之大道而力為斷滅天地之中上智下
愚相率斷滅安望其有學佛之人哉嗟嗟
佛之為教豈若是乎余故不避饒舌將誣
佛之非道反復辨明以歸其要矛盾不經
之言悉為發明以正其訛欲使佛教之心

傳妙法得以彰明較著而修道者咸知無
相無為之理明心見性之要身體而力行
之庶使三教並行不悖此予之願也夫是
為序

紹興四年如來佛聖誕日弟子王日休敬
題於夢覺山房

龍舒王日休敬撰

正說歸要

三七

夫人自有生以後識神作用真性暗昧受
想行識相因而生真性既昧不能寂然不
動故有六根竊入六根既入我即有所受
有所愛廣造惡業而老死牽緣遂入輪迴
劫運矣故太上曰禍福無門惟人自招善
惡之報如影隨形蓋善惡者報應之因緣
劫運輪迴者善惡之結果也今人昧於善
惡謂善惡之無憑感於報應謂報應之無

據豈知天道好還善惡昭如日月人心空
巧報應捷如影形夫 天帝之心至仁至
慈 天帝之恩至廣且大何忍以刀兵水
火旱澇瘟疫以及種種災劫而戕斯下民
哉蓋由人而不仁觸之使然耳伏思 天
帝之生成化育佑斯民也至矣極矣生五
穀以養民命生萬物以便民用作之君以
統之作之師以誨之復以雷電風電以警

其戒慎恐懼妖星熒惑以勉其修慝崇德
抑或垂象於天喻以不祥或示象於地告
以非吉維望人修身循理悔則無咎耳而
人若能保天良自不遭天譴畏天命自可
逆天庥夫何有劫運輪迴之苦哉乃今人
不孝不弟不忠不信無禮無義無廉無恥
以及種種淫殺結盡無窮惡業業滿報臨
而沉於劫運輪迴之中不亦宜乎金科玉

律云逆天心者天律所必誅違天心者天
罰所不赦嗚呼仁慈者天之心實惡人激
之激之則必怒荼毒天不忍願人體之體
之則必喜苟能盡職盡理諸法如義 天
帝未有不福之庇之呵護之者然欲挽
天心感 佛濟拔之法莫如念佛最捷經
云念佛一聲滅八十億劫生死罪迦葉尊
者云佛法僧三寶迷人為常套如能真念

佛苦海容易跳身登極樂天輪迴永不到
欲脫劫運輪迴之人尚其猛省

阿難問佛曰娑婆世界衆生造諸惡業一
念知悔改過如何得消惡業不受劫運輪
迴之苦佛云衆生中若有一念知悔者當
令彼念佛自然惡業消除善根增長不受
輪迴諸苦所以者何昔阿彌陀佛發四十
八願中有一願云我作佛時十方衆生勿

論已造業未造業者至心信樂欲生我國
者十聲念我名號若不生者我不作佛是
阿彌陀佛自有誓願度人假人之十念以
表皈依之心若有衆生不論老少男女每
日或晚或早合掌向西頂禮念南無阿彌
陀佛十念復頂禮而退永不間斷至誠如
此無不往生

淨土傳云阿彌陀佛與諸大菩薩乘大願

船泛生死海普度衆生上大法船送往西方如肯往者無不得生觀此是知佛菩薩憫衆生沉淪無由得脫故自以誓願威力度脫如舟人招引行人上船送至彼岸也唯恐人心不深信耳釋典云大醫王能治一切重病不能治命盡之人亦不能治不肯服藥之人我佛雖慈憫衆生不度不信之人亦不能度不自知悔改過之人是以心不信比命盡以不自知悔改過比不服藥耳夫信者一念耳如人在世界中心念欲行身則隨行心念欲住身則隨住是身隨心念念到處而身即到若念佛者一念在消業而業即消一念在淨土而必往淨土矣况又有佛與諸大菩薩招引接引之大威神力乎然世界中人又有心念欲往而身被事物牽繫而不得往者亦如修行念

佛者口雖念佛而著相著空執常執斷一
旦數盡身壞亦不過坐脫而已矣凡我修
淨業者當先改過遷善無執無著使吾之
真性常湛然明朗不被外物所感如此念
佛烏有不往生淨土者乎

凡世界人皆云念佛必當清淨而我今事
物紛紜若每日念佛我又何以作事乎此
人是為惡業所障將沉淪而受重報者不

知念佛作事兩不相妨譬如人入城
必先覓下處却出幹事抵暮則有住宿之
所先覓下處者改過念佛修淨業之謂也
抵暮者大限到來將死之謂也有住宿之
所者往生西方生蓮花中不落惡趣之謂
也又如春夏遠行先備雨具驟雨忽至自
無淋漓狼狽之患先備雨具者念佛之謂
也驟雨忽至者命將終之謂也無淋漓狼

二言身要
六
狃之患者不至沉淪惡趣受諸苦惱之謂也且先覓下處不妨幹事先備兩具不妨行路比如改過念佛亦不妨一切世務今人何為而不修乎若不迴心向善改往修來而閉目之後將何以處古人云此身不向今時度便想何時度此身急早回頭勤念佛解脫苦惱免沉淪而今人只說念佛有妨作事何自欺之甚也

昔空王佛告釋迦佛曰四大部洲東曰弗提婆北曰鬱單越此二洲人壽千歲死不哭弔不修十德無聖賢佛仙不出世西曰俱那尼人壽五百皆無欲好勤修果證諸天佛不出世維南洲曰閻浮提人壽短促猛勇強記多貪欲機巧能造業能勤修衆苦逼迫生死死生輪轉不息有佛出世大乘根器皆生此土汝當滅度普成菩提出

離衆苦逼迫維佛法八萬四千諸門難修
難證淨土三昧執持名號名曰心印平等
摩訶薩婆修持者如順風揚帆之易汝當
令衆生無著無執福德不可思議此即言
念佛功德不可以心思不可以言議其獲
福可謂極矣今人身居塵世縱未造五逆
忤逆重罪其餘身口意業誰能無之若不
急早懺悔念佛戒殺放生待命終後禮懺
誦經披麻哭泣有何利益不但不能往生
西方而惡業亦不能消終歸冥途受無量
重罪那先經曰人能戒殺念佛如持大石
百枚置於船上籍船力故大石不沒水中
若無船力小石一枚亦沒况百枚大石乎
今人一生造業而富貴者尤甚死後定受
泥犁無間罪報若能戒殺放生念佛雖有
大惡亦能消除况小惡乎是以念佛喻船

力以石喻惡業故四土文中云世人具惡
染者念佛亦能生淨土西資鈔云念佛消
業往生是假阿彌陀佛願力又有諸佛菩
薩呵護接引如渡大海既登大船加以順
風烏有不速到彼岸者乎若其渡大海而
不肯登船留連此岸者是誰之過與

淨土三昧云念佛一門最易必須制心不
令散亂故安般妙法制心禪乃初學入門
之心法務要內不妄動盡力降伏外不妄
侵防微杜漸使其念念相續聲聲不斷印
印相契將南無阿彌陀佛六字歷歷分明
不論多少一心一意盡一氣為一念但隨
氣之長短不拘佛號多少念聲不高不低
不急不徐調停得中永不間斷方謂之一
念故曰一聲佛號滅八十億劫生死罪若
不然者滅罪良難此即藉氣以束心假佛

以止動耳秘要云禁妄明心觀昏見性先
德垂訓切要之言修道者當遵而行之
楞嚴經云佛與阿難七次論心終之以尋
常所謂心者非心也乃妄想耳夫真心者
命也性也我也今人之心乃塵緣之影耳
蓋此心本無所有唯因外有塵緣故內現
其影假如外因有色則內起愛色之心外
因有聲則內起愛聲之心外因有香味觸
法及一切種種嗜慾內則起種種一切愛
心是真性如鏡外因塵緣之形故心中生
此影耳若外無所因則內亦無此影矣是
形來則影現形去則影滅而性鏡常自若
故金剛經云過去心不可得現在心不可
得未來心不可得此三心皆妄想心也故
有過去現在未來而真性又何嘗有過去
現在未來乎安般妙法云澄心息念寂靜

正論要
萬緣障礙不生名為約心禪是以意為八
識之主帥目為六賊之先鋒若能止意不
妄動止目不妄視而障礙無所生即得約
心之法矣何則如千般裝點百種音樂沉
檀腦麝食前方丈妙麗嬌嬈隨順逢迎是
皆遂我眼耳口鼻舌身意者若外感此六
根內必失其真性故佛云認賊為子自刖
家寶認苦為樂自墮深淵蓋謂性中本來
無有外因此種種緣生出種種事造作種
種業若約此心不使之妄動雖有根塵十
八界之緣又何能擾我自性乎金剛心經
云是諸法空相是者塵緣也諸法皆空相
非實有也又云空中無色無智亦無得謂
真性中無所有然有一切生滅諸相者皆
妄緣耳若生滅之相既除真性自然顯露
楞嚴經云諸妄消亡不真何待夫此性上

至諸佛下至蠢動皆無所異其所異者妄也故佛云真性在聖不增在凡不減而修行者能悟此理再盡力參制心約心二禪決定往生淨土矣

人為萬物之靈靈之者一心而已若心稍有不明則欺妄之念生心靈必蔽若心稍有不存則邪僻之思起心靈必失若心稍有不正則詐偽之意作心靈必亂故儒曰

正心心正則不亂道曰存心心存則不失釋曰明心心明則不蔽蓋心為載理之區亦是藏欲之所苟理不勝欲而欲即足以勝理一毫之差千里之謬是以別聖狂於幾微判人禽於毫末儒典曰人之所以異於禽獸者幾異道君曰一切惟心心最微六道因心別形軀釋典曰善惡升沉一切惟心造若能時時束此心而不放佛仙聖

賢由此而造否則慾念翻波越理非為三
塗六道七趣四生亦由此而造故諸佛仙
聖賢聖聖致力者惟爭此須臾間耳然欲
求正心存心明心之法即當盡力於倫常
除諸惡念息諸妄想而已若倫常盡則心
正惡念除則心存妄想息則心明此即如
來安般禁止觀靜之謂也夫本自不散何
用禁心自不亂何用止念自不昏何用觀
意自不馳何用靜無如衆生迷蕩去本日
遠動靜俱失不昏即散不亂即馳我文佛
以禁止觀靜為藥以治衆生散亂昏馳之
病耳復又諄諄令衆生持戒念佛皈依三
寶者是寂消十業越超三界舉一全收之
法也何則每日念佛時合掌跪拜斯時身
在佛前而非殺盜淫是身三業淨矣手持
珠口念佛而非惡口兩舌綺語妄言是口

四業淨矣意在淨土或挽印或觀佛而非
貪嗔癡是意三業淨矣久久行之而十業
自消矣古德云終日消業不見消業之相
終日求生不見求生之相者此之謂也
夫人若為惡終受惡報與佛原無所損人
若為善終受善報與佛原無所益而佛諄
諄令人皈依三寶者是佛心慈憫不忍視
眾生沉淪耳今人將佛法僧三寶為話套

並不窮其理及其解釋亦大失佛旨自誤
誤人罪莫大焉釋典曰南無佛南無者皈
命也是省察克治盡心竭力反其素白之
性以復天之所命也佛者覺也是知身為
苦本幻生如夢言行一切理欲真偽覺而
不迷也不可解作南火位無火即佛也訥
謨法訥謨者皈依也是已反白復命尤當
表裏如一須臾不可離也法者正也是天

正言身要
然性德不偏不倚不左不外至公至正至
恕至忠之理也唵嘛嚩囉者彙聚也是
性體周徧妙用無碍檢束身心守而不失
聚而不散也僧者淨也是塵緣寂靜有而
不有空而不空外無六根六塵內具三德
三智天理人心互相融洽純而不雜觸而
不動也昔唐大歷間沒譏人功迴行普賢
懺持戒念佛一日普賢文殊九蓮準提靈

感諸菩薩降其地皆金色光照四圍功迴
禮請曰末代衆生業重智淺佛性心地無
由顯現未審作何修持文殊告曰諸行法
門維念佛最要最捷我於過去因念佛故
得一切種智功迴曰念佛十法弟子當用
何法念文殊曰爾於行住坐臥以心印繫
念勿令間斷數終緣滿決定往生說已彩
霞異香繚繞其室功迴喜曰弟子於此時

乘菩薩威神之力得見阿彌陀佛願亦足
矣普賢曰爾雖皈依佛法三十餘年於僧
行尚未皈依即說一偈曰清淨皎潔明如
皓月欲私垢塵如湯潑雪說畢西返功迴
拜送又勤修僧行十年立身化去觀此則
佛法僧三寶今人所論者不亦夫矣佛音
乎

凡人之志明則行正心昏則行邪是故善
惡二輪苦樂二果皆三業所造四相所成
六根所生五蘊所攝假若一念嗔恨邪淫
即地獄業慳貪巧取即餓鬼業愚癡暗昧
即畜生業我慢憤高即修羅業持戒修福
即人業持戒修十善即天業證悟人空知
緣離性即聲聞緣覺業持戒持齋精修三
寶誦經念佛名為真慈平等修即佛業故
大乘菩薩所修之行以念佛為首務以離

相為前導功滿證果直趣薩婆若海普靈
感觀音曰離相出家身列香台寶閣淨髮
寂欲足登淨玉蓮花凡我修淨業者當身
體力行而入門之功夫務以離相為要
夫性本虛靈不昧故號曰阿耨多羅三藐
三菩提乃係至公無我無上正等正覺之
道心若有我人眾生壽者四相即非菩提
矣四相者貪瞋癡愛四惡業也貪則思我
富我貴逞己之長炫己之能爭名奪利機
巧損人動靜言行只為我身計是我相也
瞋則忌人之能妬人之有攻人之惡奸人
之私揚人之隱奪人之好不容人過較短
量長是人相也癡則縱心之欲五蘊計其
和合根塵纏縛靈源汨沒是眾生相也愛
則執法修因希冀飛昇煉藥燒丹期求增
算或殺生以祀天或媚神以求福或舍義

而貪生或臨難而苟免是壽相也有此四相則妄心執迷粘染固結與大道相違而沉淪無窮盡也若無此四相妄念不生靈明發現與天地合德與四時合序生生不息之機與大道合真矣金剛經云菩薩無住相佈施佈施者往來酬酢敷布設施也無住相者日用言行應人接物無所住於相也又云凡所有相皆是虛妄謂學佛者不可執名住相凡世界一切有形有色者皆生滅無常非真實之道體此乃大乘先覺解粘去縛遣疑破執之語也又云若以色見我以聲求我是人行邪道不能見如來此二我字乃性中真我非色身妄我言人當返觀內照以見真性之佛若專務於外反迷失本來之真性是舍正路而不由乃行邪道矣

夫色見聲求佛尚以為邪道而傍門外道
之行自不言可知復又云一切有為法如
夢幻泡影露電者謂凡有所作為一切之
外相皆若此六者之無常若云一切塵世
有為之法皆如此六者而孝弟忠信等事
亦若此六者之無常乎然有相者必有心
有心者心必動動務須悟達無相無心之理
必然無相可取而心自如如不動矣佛以
無形無相而無所為者為真性以有形有
相有所為者為妄偽故以六者比喻以示
衆生於一切有為之際當務求其至理而
使我之真性如如不動不可以色見聲求
徒取於外相耳如日用倫常中孝弟忠信
禮義廉恥仁慈穿衣吃飯迎賓送客起居
言行皆各有至理存焉若不求其理以盡
其誠而徒以色見聲求則是妄偽之為非

正言身
邪道而何若不取於相專務其理而湛然
清靜之心圓周三界歷劫常存以此推之
以有為之中而求其無為之理則悟人金
剛般若無相無為之法矣靈感菩薩所言
能離相者方謂之出家能寂欲者方謂之
淨髮釋迦佛曰寂欲淨髮號為沙門以此
觀之而無相之學實修道者之首務也光
明經句解釋註云相者外貌也離者解脫

也出者脫去也不可作出入解家者累也
不可作室家解言人居塵世一切嗜欲苦
樂皆足以累諸心若能解脫嗜欲不為苦
樂所累即出家也淨者削除也髮者根也
又拔擢而出也寂者空也觸而不染也欲
者私慾也沙者勤息也門者法門也此言
修道者既已脫其物欲之累尤宜削除其
根始可謂入於佛菩薩勤修淨業息除妄

想之法門也。比喻人於物欲，倘不削除其根而欲若勝理，其勢不可遏，必拔擢而出，致造惡業也。今人削除頭上之髮，離家外居，使父母無序，宗祀絕嗣，徒誦佛之言，服佛之服，而不行佛之行，亦不悟佛之意，真可謂禿了一頭，造了千劫罪，且洋洋得意，自號為沙門之僧，實乃恬不知羞，亦難全有識者之誹議。

昔如來以髮喻欲之根，以家喻心之累。是削之者，削心中之髮；出之者，出心中之家。今人著於文字，遂削頭上之髮，別親離家，且大言曰：一子出家，九祖昇天，相習成風，沉淪者不可勝數矣。考佛傳釋迦佛姓瞿曇迦毘羅國淨飯王太子，於周昭王二十六年生，諱悉達，十七歲納妃，一號瞿夷，一號耶惟檀，一號鹿野三夫人，居三餘殿殿。

各又摩啣尼萬人華言近侍女二十五歲
夫人邪惟檀生子號曰羅睺羅是年太子
出遊苑囿見老病死者甚慘與臣優陀夷
曰吾為太子只知有樂不知有此苦乎即
命回車至國北門外見一人法服執鉢擎
杖太子問是何人答曰修學沙門了證無
為超三界不受老病死若出家之比丘也
太子問曰何為此丘答曰無善無惡無喜
無憂問曰何為沙門答曰三界今擾擾六
趣今昏昏若能識心達本源削髮勤息為
沙門太子曰吾國刹帝利王族皆幘髮婆
羅門率官吠奢遮商賈戍陀羅百工皆束
髮吾刹帝利也當何所削比丘曰塵不染
心為出家心不蘊欲為削髮自此太子在
宮或寂默一心內思安般或與夫人及眷
屬講演尼洹眾悉稱太子為佛太子復白

於王出遊同姓諸國化度衆生王許之太子
子遊往來各國講演禁止靜觀及六波羅
密諸法斯時化風易俗四方來受教者日
益衆太子三十歲赴迦維衛國省外祖父
善覺還至迦邪山俗呼靈山降魔得道故
瑞應經十二遊經皆云佛二十五歲出家
三十歲得道佛何嘗出家乎且佛說大報
父母恩經云母有違行德念恩其渴曰

別誠難忍生離實亦傷子出關山外母意
在他鄉日夜心相逐流淚數千行如猿泣
愛子寸寸斷肝腸子若失奉養歷劫受災
殃佛既令衆生不失奉養自必不能離親
而失奉養又何嘗有出家之云乎今人鮮
悟真宗著相出家或因疾病難愈或因孤
獨無倚是皆為衣食壽命計原非為修行
計耳夫修行者修葺日用倫常言行還真

正認身要
歸覺去妄存誠誦佛之言悟佛之理行佛
之行以證佛之果今世人徒削頭上之髮
而不學佛之行甚至有三飯五戒持之不
堅六根七纏滌之不淨頭不蓄髮自謂為
高僧口不茹葷自謂為和尚夫和者圓覺
妙明之真性和融無碍之謂尚者圓通湛
寂之智慧究竟無尚之稱今之和尚其然
豈其然乎再者髮削而五常垂頭禿而三
罪獲雖竭力修持亦難贖悖天誣佛之罪
維望篤志淨土者欲往生當了生了死
了而了生了死之功夫即盡力於倫常而
已矣試觀證果西方者何非克盡倫常之
佛祖蓮台接引者何非克盡倫常之衆生
果爾降心息妄離相敦倫異日善果圓熟
一身跌坐九蓮九祖超出三界豈非我輩
一大快心事哉

初學功夫

世有欲求長生身墜入傍門外道而不自知者一旦業報臨身墜入冥途深為可惜夫傍門者非中正之法門也外道者外子中正之至道也今之世界正法未現像法



未週致使邪教迭興罔知真偽遍染邪風此等愚迷之輩自投羅網甘心墮落亦不足惜維可惜者有心修行而未得其要欲求長生而未得其門以致流入傍門外道雖名為修道實為修滅名目叢集筆難盡罄姑舉數者言之若夫六字納甲連摩三功斬赤龍擒白虎轉河車度夾脊提爐貫頂大小週天有圖有式可驗可徵終未見

正誦要
人成道者撈嚴經云十行仙皆壽千歲
休止深山數盡仍入輪迴為不了真性徒
於軀壳上用功夫故與六道衆生同者老
趣况未學至十行仙者乎欲求長生莫若
念佛不知修此而學外道且託言離宮習
定水府求玄安爐立鼎抽鉛煉汞填離取
坎伏虎降龍不知此皆佛祖喻辭非實有
也夫離宮習定者澄心靜念也水府求玄

者止動觀昏也安爐者安住身心也立鼎
者生決定志意也抽鉛煉汞者去妄存真
也填離取坎者忍辱去瞋也虎者意也龍
者念也降伏意念不使之妄動也今人糊
學混煉甚至有脫陰脫陽精竭血崩目盲
耳聾未見一人白日飛昇者若捨念佛而
不修真可謂捨目前之美玉而求不可得
之破瓦豈不可惜哉昔白香山贈王山人

聞君減飲食日聽神仙說暗侍非常人
潛求長生訣言長本對短未離生死轍假
使得長生方能勝天折松樹千年朽槿花
一日歇畢竟同虛空何須誇歲月彭殤徒
自異生死終無別不如學無生無生即無
滅南無阿彌陀真是長生訣西方大慈父
憶子心甚切

家鄉信

阿彌陀佛字示婆婆衆子知悉自從爾
拜離膝下原說降生東土作些功德即便
歸家不意一去日久杳無音信吾屢令諸
天稍言帶信間有善男善女遵吾之言猛
省回頭念吾而回家者吾即叩其所為盡
是貪戀塵緣認苦為樂將吾並不掛懷爾
等何不相約而歸來乎昔者爾等東投實
想將本求利無利反將本虧缺功少德也

罷惟望爾等早回嗚呼吾曾再三叮嚀示
此會臨凡不比昔就怕爾等迷失路時刻
憐憫費心機簡易指出鄉關道妄却本來
反生疑聽吾切告兩句話再入輪迴莫了
期慧舟不能常在渡彌勒降生悔無及悟
了善子快奔危念吾如同腹內饑虔誠精
進無間斷時至派人接爾回持將此函示
眾曉大家相勸同歸西再者東土極苦是

這 ○西方極樂是這 ○切囑切囑

釋迦佛道成於周法傳於漢其法亦即明
明德止於至善之意若夫念佛誦經乃是
不二法門獻花燃燈實為第一勝果相好
三十二應念而施莊嚴八十一聞聲赴感
視聽之外若存若亡動靜之間不生不滅
先聖後聖覺非異途古人今人性原一致
夫性者乃太虛之靈光在天曰道在人曰

性人從道受生道由性了悟性即是道故
修性者曰修道修道者當修性釋迦曰不
生不滅太上曰常清常靜儒經曰率性之
謂道修道之謂教夫無聲無臭者即率性
之道也正心誠意者即修道之教也正誠
以修道而忠孝實為修道之始道也者虛
無之體耳由虛無而生天地復生萬物復
生男女然後有夫婦父子兄弟君臣朋友
有父子君臣而忠孝之名具今之學佛者
已發信行願三心苦加修行若一念不忠
不孝天帝即時棄絕前功即廢蓋古今證
果者無不忠不孝之佛祖得道者亦無不
忠不孝之菩薩夫水源木有根忠孝者乃
人之本本立而道生故削髮者乖五常獲
三罪其咎有不容辭矣修行者亦未有不
和順友恭誠信篤敬而仁民愛物者敦倫

紀以全根本利人物以廣仁慈故學善者
戒殺放生其功有不可量矣蓋仁慈者為
生生不息之機下全物命上合天心天心
惡殺能戒殺即為報德帝德好生能放生
即體天心天心合即道心合天道人心俱
合長生有自矣然後返觀內照有時妄念
一起即便返覺勿令更生枝葉是滅消妄
念千種要在返照一心釋典曰一妄照了

即一念之真如一念覺了即一妄之真空
真空不空夫空者空其人欲之私真者完
其天道之理空中有真真中有空是故浮
雲富貴簞瓢不改空其境遇也去殘達色
絕欲息貪空其倫類也視聽言動之四勿
我人眾壽之四無空其身心也而要皆各
有真焉如素富貴貧賤行乎富貴貧賤非
境遇之真乎孝友忠信仁民愛物非倫類

正誦
之真乎至於身心之真或在境遇倫類之
中或在境遇倫類之外空五蘊屏三毒禁
七纏淨六根隨時隨事以見吾之真若離
世事無以見其真矣真者性也性原是空
空洞洞了了靈靈統萬德而大備超衆迷
而獨照曷嘗有忠孝節義之分此岸彼岸
之別又曷嘗有言思見聞之紛紛哉所言
真在境遇倫類之外者是言真之本始歸

復耳既有本始豈無發揮施用隨在自盡
之實乎既有歸復豈無除偏去弊之實乎
儒經曰不揣其本而齊其末此言最要最
切所謂高以下為基下學乃能上達即或
冥悟而窺形上之妙亦當交修互證庶能
序不紊亂功亦不缺學庸言心意正誠而
身必言修中言未發而和必言中節曰修
曰中節可知即所處之地事事物物皆有

功夫而非姑守虛無之心即能悟超玄妙之理矣染着固害於理若徒不染着而境遇倫類事為之際渺不相關其異於寂滅也幾何即不染着而言行未能合理其異於頑空也幾何凡我唯心淨土者若不忽畧現在倫類之真亦不遽求未來證果之真而於如來若海之薩婆可一超直入矣

曰偈 十方諸佛讚西方不是無端出廣長只恐癡禪耽住著錯將斷滅作真常

示心寶象

由十六至初一係自迷真性象由初一至十五係自覺復初象

- 初一陽動表出光 ● 冬至夜半地雷生
- 初二似顯不似顯 ● 念佛喚醒主人翁
- 初三金蟾半邊月 ● 六字真經是慧燈
- 初四見性頗知過 ● 心不淨來土不清
- 初五三分得其一 ● 只宜勉力往前行
- 初六雖然陽日進 ● 無功少德丹難成
- 初七正在用力處 ● 趨繁內外快加工

初八上強性命半○半是陰來半是陽
初九陰陽顛倒現○善日長來惡日亡
初十大半是天理○欲心已滅道心增
十一光明三有二○謹防塵緣繞心中
十二定靜生智慧○慧鏡照見色是空
十三已近道遠地○方知彌陀妙無窮
十四念就三空體○眼前即是極樂都
十五純陽塵垢淨○魂魄團圓大光明

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

